

Хальмг автономн тангъчар залгълдана Министерствин телефонно-телеграфн линийс харлгъна тускар

Хальмг автономн тангъччин кўч-кўлсчирин депутатрин Советин кўцагч комитетин батлсн эрк биш шиидвр

1957 джилн декабрин 24

Бээрн газрин кўцагч комитет болн Советмўд эрк биш токтавр гаргъдз чадх Положенас иштэгъяр. 1931 джилн марти 30-д гарси ВЦИК-н болн РСФСР-н СНК-н Токтаврар батлгдсн, тедниг эвдхл административн засгла харгъулхн туск болн СССР-н Министрмўдин Советин токтаврар батлгдсн „СССР-н залгълдана Министерствин телефонно-телеграфн линийс тохнадж келгънй болн харлгъна туск, 1949 джилн февралн 6 гарси 577 номертӑ Зокалар“, Хальмг автономн тангъччин кўч-кўлсчирин депутатрин Советин кўцагч комитет шииджӑнӑ:

1. Залгълдана Министерствин, деегӑр татгдсн болн газрт булгдсн линийс маг глдг газрт:

а) залгълдана Министерствин органас зѳв угагъар ямаран болвчн тосхлтин, газр малтлгъна болн монтажн кўдлмшмўд, таслвр угагъар болн цаг зуур болвчн келмн биш;

б) залгълдана Министерствин органла кўндвр угагъар моддуд тӑрхмн биш;

в) залгълдана Министерствин зѳв угагъар онгдан ведомоствин залгълдана линий татлгън, деегӑр болн газр дорагъур татгдг электросетьс болн зўсн-зўул трубопроводс орулгъ келмн биш;

г) хадсн гуйрин скирдс, устгта солом, ковнъглсн ѳвсн, мод, нўўрс хуралгъ, тӑранӑ хошмуд, мѳрд уйдг газр болн малин хаша-хаац тосхлгъ, гал шатагъ, бу халгъ болн хог-бог хайлгъ келмн биш.

2. Цуг организацс (хаалгъин болн тѳмр халгъинӑс нань) эврӑннь уўлдврӑр болн ээлджӑх газрарн, залгълдана линийс мангдг газрин ѳбр шидр, деегӑр болн газр дорагъур татгдсн линийст тушагъан халдах, ус гўўлгхн тѳмӑ келдг ямаранчн кўдлмшмўд (газр хагърулдж, малтдж, гўўдўлдж кех нань чигн), ташр деегӑрнь ю болвчн тосхл, ясхд тангъччин залгълдана управленлӑ туслнъ кўўндвр келж, альд, ямаран бӑадлтӑгъӑр, ямаран цагла тер кўдлмшмўдӑн кехинь, терўган хӑлӑадж-хархин, сагар бӑӑрн болн нань чигн залгълдана линейно-кабельн сооружень ӑамшиг угагъар бўтн бӑӑх тоотиг кўўндх зѳвтӑ.

3. Организацс болв онц улс линийӑр 2 метрт ѳбрдлгинь, 3 метрӑс давугъар гўўнд газр малтдгинь, залгълдана Министерствин кабельн сетьтӑ балгъсдин болн селӑдин тротуарс, уульнцин ӑмтн йовдг ӑнгинь ясхларн залгълдана Министерствин бӑӑрн органсла зѳвчлгън угагъар, бӑӑрн газрин кўч-кўлсчирин депутатрин Советин кўцагч комитетин токтавр угагъар келгън уурулхмн.

4. Организацмудт болн онц улст иигхиг уурулхмн:

а) залгълдана Министерствин телефонно-телеграфн линийд теднӑ органа зѳв угагъар сунгъгуд ѳлгдиг;

б) высоковольтн, гегӑ оруллгъна

сунгъгуд, антени болн онгданчн сунгъгуд болн тулгсиг залгълдана Министерствин органас зѳв угагъар келдиг;

в) залгълдана Министерствин органас зѳв угагъар телефонно-телеграфн линий гарси газрт мод чавчлгън;

г) залгълдана кўдлмшт харшлх зўсн-зўул кўдлмшс кехиг: бахнс болн терўнӑ тулгсинь, немўрсинь кѳрӑдхиг, сунгъгуд таслхиг, сунгъгът, онгдан керг уга юм ѳлгхиг, деевр деерӑс цаг сунгъгур хайхиг, изоляторс хамхлхиг, залгълдана линийд халжугъас орлцхиг, бахниг, немўрлӑнь батлсн хӑмд авлгъиг болн тер мет тоотиг;

д) телефонно-телеграфн бахн деер гарлгън, сунгъгдт талдан юм кўрелгън, кабельн худгулин бўркӑ секлгън, кабельн шкафмуд болн яршгуд секлгън, замери темдгуд уга келгъиг болн ўрӑлгъиг.

5. Предприятъсин, организацсин, колхозмудин болн домоуправленьсин толгъачнриг, газр дорагъур болн деегӑр бӑӑх залгълдана кабельс гарчах газрт ямаранчн тосхлтин, ясврн кўдлмш келлӑрн сагар кетхӑ гидж закн деерӑн, кўдлмш эхлхӑс гурвн хонг ѳмн залгълдана Министерствин органд зӑнвглтхӑ гихмн.

6. Балгъсдин болн райодин кўч-кўлсчирин депутатрин Советсиг телефонно-телеграфн линийс йиртмджин аюлар эвдрсн цагт (шангъас, мѳстлгънӑс, усна оругъас, мѳсн нўўлгънӑс, салкнас болн нань чигн уўлӑр) залгълдана Министерствин органст тер тоотиг ясхднь бӑӑрн улсиг кўч-кўлсарнь чигн, кѳлӑрнь чигн орлултха гидж закхмн. Тедниг тер кўдлмшт орлуулхларн 1927 джилн июлин 18-д гарси ВЦИК-н болн РСФСР-н СНК-н токтаврар болн кўч-кўлснӑ йосна 11—13 статьясар батлгдсн, бӑӑрн улсас кўч-кўлснӑ болн кѳлгнӑ дѳнъ авх Положенӑс иштӑгъӑр олзлдж, батлгдсн унӑр шангъинь тедд ѳгхмн.

7. Телефонно-телеграфн залгълдана чик кўдлмштнь харшлсн болн залгълдана линейно-кабельн тосхлс ўрӑсн улсиг административн засгла харгъулхларн иигдж кемхм: давтдж эс харшлхинь заах, 100 арслнӑга ялла харгъулх, эс-гидж 30-шаху хонг кўчӑр кўдлмш келгх. Залгълдана кергт харшлад, зѳрц ўрӑгъад хамхлсинь цааджин заканла ирлцнъгъугӑр засглхмн.

8. Эн эрк биш шиидвриг кўцӑлгън хӑлахинь залгълдана Министерствин органсд, Залгъсдин, райодин болн селӑдин кўч-кўлсчирин депутатрин Советин кўцагч комитетсд болн милицин органсд даалгъхмн.

9. Эн эрк биш шиидвр „Советская Калмыкия“ болн „Хальмг унн“ газетсд барлгдснас авн 15 хонад кўчндӑн ордж Хальмг автономн тангъчар хойр джилн эргцд олзлгдхмн.

Хальмг автономн тангъччин кўч-кўлсчирин депутатрин Советин кўцагч комитетин ахлӑч

Д. УТНАСУНОВ.

Хальмг автономн тангъччин кўч-кўлсчирин депутатрин Советин кўцагч комитетин сеглӑтрин уўл дааджах

С.-Г. МАНДЖИЕВ.